



## SPORT SOHASIDA ASOSIY MAQSADGA YO'NALTIRILGAN TA'LIM DASTURI

**Atashayxov Abduvahid Abdushukurovich**

*Jamoat xavfsizligi universiteti o'qituvchisi*

**Annotasiya:** *Maqola jismoniy tarbiya va sport sohasida ilm-fan ta'lismu ammmo va yechimlari, sportchilarining jismoniy tarbiya va sport faolyatida professional ta'limga olish ko'rashgichlarini o'rganish, sport tashkilotlari bilan sport federatsiyalarni professional sport ta'limi bo'yicha faoliyatini chambarchas bog'lash, kerakli yakuniy natijalarini olish uchun sport sohasida ta'limning muammoli vaziyatlar va sport tashkilotlari o'rtasida turli sport ta'limi tadqiqotlarini shakllantirishdir.*

**Kalit so'zlar:** *Sport faolyatida ta'limga olish, sport ta'limining asosiy vazifalari va maqsadlarini belgilash, sport ta'lim dasturlarini tashkil etish, jismoniy tarbiya va sport sohasida kadrlar bozorini shakllantirish, sportchilarga turli xil sharoitlarda ta'lim berish.*

O'zbekiston Respublikasi Prezidentining 2022-yil 11-noyabrdagi 414-sonli qarorida ta'kidlab o'tilganidek, Jismoniy tarbiya va sport sohasida malakali kadrlar tayyorlash, ta'limga jarayonini xalqaro standartlarga moslashtirish va boshqaruv tizimini raqamlashtirish, pedagogik va ilmiy salohiyatni yanada oshirish hamda ilmiy-tadqiqot ishlari sifatini tubdan yaxshilash, ilg'or xorijiy sport-ta'lim texnologiyalarining transferini amalga oshirish orqali yuqori natijalarga erishish ko'zda tutilgan.

Ta'limga dasturlari xalqaro reytingda yuqori bo'lgan xorijiy oliy ta'limga muassasasining dasturiga ko'ra shakllantirilsin, jahondagi yetakchi oliy ta'limga muassasalari bilan hamkorlikda talabalarning akademik almashinuvini ta'minlash hamda ta'limga olishiga keng sharoit yaratish uchun bakalavriat ta'limga yo'naliishlari va magistratura mutaxassisliklari akkreditatsiyadan o'tkazish hamda talabalarda sport mahoratini doimiy ravishda yuksaltirish hamda ularning personalini trayektoriyalar bo'yicha variativ (o'zgaruvchan) o'quv rejalarini asosida ta'limga olishlari uchun o'quv jarayonini kredit-modul tizimi asosida tashkil etish, iqtidorli (qoida tariqasida, a'lo baholarga bitirgan) bitiruvchilarning bitiruv oldi amaliyotini ularni milliy terma jamoalarning xorijda o'tkaziladigan o'quv-yig'in mashg'ulotlari hamda xalqaro musobaqalar jarayoniga jalb etish orqali tashkil etish, talabalarning o'zlashtirgan bilimi, malaka va ko'nikmalarini amaliyotda qo'llash darajasidan kelib chiqib, iqtidorli bitiruvchilarga sport bo'yicha hakam hamda ikkinchi toifali trener malaka toifasini belgilovchi guvohnomalar berishni nazarda tutadi [1].

Sportni rivojlantirish, jamiyatimizda sog'lom turmush tarzini keng qaror toptirish, aholi, ayniqsa, yoshlar o'rtasida jismoniy tarbiya va sportni ommalashtirish mustaqillikning ilk kunlaridanoq davlatimiz siyosatining muhim yo'naliishlaridan biri etib belgilandi.



O'tgan yillar davomida bu borada keng ko'lamli ishlar amalgalash oshirildi va ulkan natijalarga erishildi. So'nggi besh yilda jismoniy tarbiya va sportni rivojlantirish, shuningdek, uning moddiy-texnik bazasini mustahkamlash uchun 1 trillion 230 milliard so'm byudjetdan ajratilgan hamda O'zbekiston Milliy olimpiya qo'mitasining mablag'lari ham sarflangan. Bugungi kunda bolalarni sport bilan shug'ullanishga ommaviy jalb etishni yanada kengaytirish maqsadida 1700 ta bolalar sporti obyektida 114, 8 mingga yaqin sport seksiyalari faoliyat yuritayotgan bo'lib, bu 2020-yilgi ko'rsatkichlardan 30 foiz ko'p deganidir.

Respublikadagi barcha umuta'lim maktablari, bolalar va o'smirlar sport maktablari, akademik litsey va kasb-hunar kollejlarining sport zallarida hamda sport klublarida tashkil etilgan sport seksiyalari va guruhlariga 3, 6 milliondan ziyod aholi jalb etilgan. Ulardan 2, 1 milliondan ziyodini umumta'lim maktablari, kasb-hunar kollejlari va akademik litseylarning o'quvchi-yoshlari tashkil etadi.

Respublika bo'yicha sport inshootlarida bugungi kunda 10 ming 75 nafar o'qituvchi-murabbiylar faoliyat yuritayotgan bo'lsa, ulardan 4 ming 667 nafari oliy ma'lumotli (43, 4 foiz, 5 ming 599 nafari o'rta-maxsus ma'lumotli (56, 6 foiz) hisoblanadi [2].

Bugun mamlakatimiz tom ma'noda sport mamlakatiga aylanmoqda. Yoshlar o'rtasida sog'lom turmush tarzi keng qaror topib, sportning ommaviyligi ta'minlanmoqda. O'zbekiston sportchilari jahonning nufuzli musobaqalarida yuksak g'alabalarni qo'lga kiritib, mamlakatimiz sport salohiyatini butun dunyoga namoyon qilmoqda. Birgina 2016-yili Braziliyada o'tgan Olimpiya va Paralimpiya o'yinlarida sportchilarimiz erishgan natijalari jahon sport jamoatchiligiga mamlakatimizni sporti jadal rivojlanayotgan davlat sifatida tanitdi. Bu bilan haqli ravishda faxrlanamiz.

Lekin erishilgan natijalar, qo'lga kiritilgan yutuqlarni e'tirof etgan holda jismoniy tarbiya va sport sohasini tashkil etish va boshqarish tizimini takomillashtirish, sohaning moddiy-texnik bazasini mustahkamlash, hududlarda yoshlarni sportga keng jalb etish, ularga yetarlicha sharoitlar yaratish, sohada malakali kadrlar tayyorlash, sport tadbirlarini tashkil etish borasida jiddiy kamchilik va muammolar mavjud ekanini ham aytish zarur. Masalan, bugungi kunda Xalq ta'limi vazirligi tizimidagi 9 698 ta umumta'lim maktabining 67, 6 foizida sport zallari mavjud bo'lsa, 32, 4 foizida sport zallari yo'q. Maktablarda jami 25 ming 603 nafar jismoniy tarbiya fani bo'yicha o'qituvchi faoliyat ko'rsatadi. Ularning 17 ming 735 nafari (69, 2 foiz) oliy ma'lumotli, 7 ming 868 nafari (30, 8 foiz) o'rta maxsus ma'lumotga ega [3].

Jismoniy tarbiya fani bo'yicha o'rta maxsus ma'lumotli o'qituvchilar soni Surxondaryo, Qashqdaryo, Samarkand, Toshkent, Xorazm viloyatlarida ko'pchilikni tashkil etadi. Jismoniy tarbiya fani bo'yicha o'qituvchilar uchun o'quv- metodik qo'llanma 2003-yilda yaratilgan bo'lib, hozirga qadar mazkur qo'llanma chop etilmagan. Respublika hududida 225 ta sport maktabi mavjud bo'lib, bulardan 53 tasi sport turlariga ixtisoslashtirilgan sport maktabidir. Mazkur maktablarda jami 318 693



nafar, shundan 97 ming nafari qiz bolalar sport turlari bilan muntazam shug'ullanadi, bu umumiy maktab o'quvchilarining faqatgina 7, 1 foizi deganidir [3].

Shuningdek, mahoratlari sportchilar kasb-hunar kollejlari, ayniqsa, olimpiya zaxiralari kollejlarini bitirgandan so'ng, bitiruvchi-sportchilarni ishga joylashishi yoki oilani moddiy tomondan ta'minlash muammosiga duch kelishi bois, endigina yuqori natijalar ko'rsatadigan vaqtida katta sportni tashlab ketishi yoki chet davlatlariga ketib qolish holatlari eng dolzarb muammolardan biri bo'lib qolmoqda. Avvalgi yillarda topshirilgan sport inshootlarini talab darajasida saqlash, ulardan samarali foydalanish borasida nuqsonlar mavjud [4].

Ushbu farmonga binoan O'zbekiston Respublikasi Sportni rivojlantirish vazirligi tashkil qilinib, O'zbekiston Respublikasi Xalq ta'limi vazirligi tuzilmasidagi barcha sport inshootlari shulardan, 225 ta sport maktablari, 37 ta sport yo'nalishidagi maktab- internatlari, sportni rivojlantirish vazirligi tasarrufiga o'tkazildi[4]. Bundan ko'zlangan asosiy maqsad O'zbekistonda bolalar sportini rivojlantirish orqali Olimpiya harakatini kuchaytirish, jismoniy tarbiya va sport bilan shug'ullanuvchilar safini yanada kengaytirish, bolalarning jismoniy tayyorgarligi va sog'lig'ini yaxshilash, o'zbek sportchilarining Osiyo va Olimpiya o'yinlari, turli nufuzli xalqaro musobaqalardagi samarali ishtirokini ta'minlashdan iborat.

Shu bilan birga, qo'mitaning asosiy vazifa va yo'nalishlari bolalarning sport bilan shug'ullanishlari uchun sharoit yaratish, ayniqsa, bu ishlarni qishloq joylarda takomillashtirish, ular o'rtasida sog'lom turmush tarzi bo'yicha ko'nikmalar hosil qilish, bu boradagi tajribasi va bilim darajasini oshirish, ularni vatanparvarlik ruhida tarbiyalash, jismoniy tarbiya va ta'lim jarayonining sifatini tubdan yaxshilash, yuqori malakali sportchilarni samarali tayyorlashning yaxlit tizimini yaratish, trener-o'qituvchilarni, ayniqsa, ayol trener-o'qituvchilarni tayyorlash tizimini yanada mustahkamlash, zamonaviy ixtisoslashtirilgan sport inshootlarini qurish, mashg'ulotlar va musobaqalarni o'tkazish uchun zamonaviy sport uskuna va jihozlar bilan ta'minlash kabi muhim vazifalar belgilab qo'yildi [5].

O'z navbatida, Sportni rivojlantirish vazirligi oldida turgan asosiy vazifalardan biri -sport sohasidagi qonunlar, me'yoriy-huquqiy hujjatlarni zamon talabidan kelib chiqqan holda ishlab chiqish, takomillashtirish va tatbiq etish ekanini alohida ta'kidlab o'tish joiz.

Qisqa vaqt mobaynida O'zbekiston sportchilarini 2021-yil Tokio shahrida (Yaponiya) bo'lib o'tadigan XXXII yozgi Olimpiya va XVI Paralimpiya o'yinlariga tayyorlashga oid, «Jismoniy tarbiya va ommaviy sportni yanada rivojlantirish chora-tadbirlari to'g'risida», "O'zbekiston Respublikasida yilqichilik va ot sportini rivojlantirishga doir qo'shimcha chora-tadbirlar to'g'risida", "Nufuzli xalqaro sport musobaqalarida yuksak natijalarga erishgan O'zbekiston sportchilarini jamoat va sport ishlariga keng jalb etish hamda sportchilarni va ularning trenerlarini rag'batlantirish to'g'risida"gi qarorlar ishlab chiqildi va prezidentimiz tomonidan imzolandi[2]. Taklif va mulohazalar. Hozirgi kunda O'zbekiston Respublikasining «Jismoniy tarbiya va sport



to'g'risida»gi qonuniga o'zgartish va qo'shimchalar kiritish, sport klublarini tashkil etish, sport sohasidagi faoliyatni baholash tizimini yaratish, sport turlari va sport turining tarmoqlarini e'tirof etish, ularni sport turlari reestriga kiritish hamda ushbu reestrni yuritish tartibi to'g'risidagi nizom, sport hakamlari va sport hakamlarining malaka toifalarini berish tartibi to'g'risidagi nizomi hamda, O'zbekiston Respublikasi yagona sport tasnifi to'g'risidagi nizomni tasdiqlash yuzasidan tegishli hujjatlar tayyorlash va amaldagi hujjatlarni takomillashtirish bo'yicha takliflar ustida ish olib borilmoqda. Ta'kidlab o'tilgan hujjatlar mamlakatimizda sport sohasini taraqqiy toptirishning o'ziga xos poydevori bo'lib xizmat qilishi shubhasiz. O'zbekiston Respublikasi Prezidentining "Jismoniy tarbiya va ommaviy sportni yanada rivojlantirish chora-tadbirlari to'g'risida"gi qarori hamda ushbu qarorga muvofiq "O'zbekiston Respublikasida jismoniy tarbiya va ommaviy sportni yanada rivojlantirish dasturi"ning qabul qilingani bu boradagi yechimini kutayotgan masalalarni ijobjiy hal qilishga xizmat qiladi.

Davlatimiz rahbarining 2017-yil 9-martdagi O'zbekiston sportchilarini 2021-yil Tokio shahrida (Yaponiya) bo'lib o'tadigan XXXII yozgi Olimpiya va XVI Paralimpiya o'yinlariga tayyorlashga oid qarori ijrosini ta'minlash maqsadida O'zbekiston Milliy olimpiya qo'mitasi, sport tashkilotlari bilan birga iqtidorli sportchilarni saralash va terma jamoalarni shakllantirish, sportchilarning mahaliy va xorijiy o'quv-mashg'ulot yig'inlarini tashkil etish, ularning nufuzli musobaqalardagi munosib ishtirokini ta'minlash borasida qator ishlar amalga oshirilmoqda.

Ularning nufuzli xalqaro musobaqalarda muvaffaqiyatli ishtirok etadigan sportchilar zaxirasini tayyorlashda munosib hissa qo'shishlariga imkoniyat yaratadi. So'nggi davrda Osiyo va jahon championatlarida sportchilarimiz erishayotgan yutuqlar soni va salmog'i sezilarli darajada o'sdi. Jumladan, joriy yilning yetti oy mobaynida mamlakatimiz vakillari xorijda o'tkazilgan 120dan ziyod nufuzli musobaqada vatanimiz sharafini munosib himoya qilishdi. O'zbekistonlik sportchilar jami 773 marotaba shohsupaga ko'tarilishdi: 292 ta oltin, 221 ta kumush, 261 ta bronza medali qo'lga kiritildi. May oyida Toshkentda boks bo'yicha o'tkazilgan Osiyo championatida sportchilarimiz o'nta vazn toifasidan to'qqiztasida oltin medallarga sazovor bo'lishgani xalqimizning kayfiyatini ko'tardi, ajoyib quvonchli lahzalarni hadya etdi. Sportni rivojlantirish vazirligi tizimidagi mutaxassislar mamlakatimizda jismoniy tarbiya va ommaviy sportni rivojlantirish, yosh avlodni har tomonlama sog'lom va barkamol voyaga yetkazish, ularni vatanparvarlik va yurtga sadoqat ruhida tarbiyalash, xalqaro sport maydonlarida Vatanimiz sharafini munosib himoya qilishga qodir sportchilarning iste'dodini yuzaga chiqarish uchun barcha ishlarni amalga oshirishni ustuvor vazifalar bo'lib xisoblanadi.



## ADABIYOTLAR:

1. O'zbekiston Respublikasi Prezidentining 2022 yil 11 noyabrdagi <<jismoniy tarbiya va sport sohasida kadrlarni tayyorlash hamda ilmiy tadqiqotlar tizimini yanada takomillashtirish chora-tadbirlari to'g'risida»gi PQ-414-sonli qarori.
2. O'zbekistonda sportni rivojlantirish strategiyalarini ishlab chiqishning o'ziga xos-xususiyatlari. Iqtisodiyot fanlari bo'yicha falsafa doktori (PhD), dotsent A. A. Tillyaxodjaev Iqtisod fanlari nomzodi, dotsent J. P. Narziev FAN-SPORTGA, 2022/1son
3. K. Ziyodullayev, K. Yarashev, Babajanov R. Jismoniy atrbiya va sport . 2020 Darslik 281 b menejmenti.
4. Nabiullin R. X, Jismoniy tarbiya va sport menejmenti 2016 yil 294 b Darslik.
5. Qosimova M. S, Menejment nazariyasi T: TDIU 2011 Darslik Nabiullin R. X, Jismoniy tarbiya va sport menejmenti T: O'qituvchi 2008 Darslik
6. Qosimova D. S. Menejment nazariyasi: Darslik Toshkent, «Tafakkur-bo'stoni». 2011. 336 b.